

## Забидий / ВАҲИЙНИНГ БОШЛАНИШИ КИТОБИ / 1592-ҳадис

1592/4135 - عَنْ جَابِرِ بْنِ عَبْدِ اللَّهِ رَضِيَ اللَّهُ عَنْهُمَا أَنَّهُ عَزَا مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ قَبْلَ نَجْدٍ، فَلَمَّا قَفَلَ رَسُولُ اللَّهِ صَلَّى اللَّهُ عَلَيْهِ وَسَلَّمَ قَفَلَ مَعَهُ، فَأَدْرَكْتَهُمُ الْقَائِلَةُ فِي وَادٍ كَثِيرِ الْعِضَاهِ، فَتَزَلَّ رَسُولُ اللَّهِ صَلَّى اللَّهُ عَلَيْهِ وَسَلَّمَ، وَتَفَرَّقَ النَّاسُ فِي الْعِضَاهِ يَسْتَنْظِلُونَ بِالشَّجَرِ وَتَزَلَّ رَسُولُ اللَّهِ صَلَّى اللَّهُ عَلَيْهِ وَسَلَّمَ تَحْتَ سَمَرَةٍ فَعَلَّقَ بِهَا سَيْفَهُ. قَالَ جَابِرٌ: فَنِمْنَا تَوَمَةً، ثُمَّ إِذَا رَسُولُ اللَّهِ صَلَّى اللَّهُ عَلَيْهِ وَسَلَّمَ يَدْعُونَا فَجِئْنَا، فَإِذَا عِنْدَهُ أَعْرَابِيٌّ جَالِسٌ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: إِنَّ هَذَا اخْتَرَطَ سَيْفِي وَأَنَا نَائِمٌ، فَاسْتَيْقِظْتُ وَهُوَ فِي يَدِي صَلْتًا، فَقَالَ لِي: مَنْ يَمْنَعُكَ مِنِّي؟ قُلْتُ: اللَّهُ، فَهَا هُوَ ذَا جَالِسٌ، ثُمَّ لَمْ يُعَاقِبْهُ رَسُولُ اللَّهِ صَلَّى اللَّهُ عَلَيْهِ وَسَلَّمَ.

1592.4135. Синон ибн Абу Синон Дуалийдан ривоят қилинади:

«Жобир ибн Абдуллоҳ розияллоҳу анҳумо хабар қилдики, у Расулуллоҳ соллаллоҳу алайҳи васаллам билан бирга Нажд тарафга ғазотга чиққан экан. Расулуллоҳ соллаллоҳу алайҳи васаллам ортга қайтганларида у ҳам бирга қайтибди. Тиканли дарахтлар кўп бўлган водийдаликларида қайлуула вақти кириб қолибди. Расулуллоҳ соллаллоҳу алайҳи васаллам (ўша жойга) тушибдилар. Одамлар дарахтлар остида сояланиш учун тиканли дарахтлар томон тарқалиб кетишибди. Расулуллоҳ соллаллоҳу алайҳи васаллам бир самура дарахтининг остига тушибдилар-да, унга қиличларини осиб қўйибдилар.

Жобир шундай деди: «Бир оз ухлаган эдик. Бир маҳал Расулуллоҳ соллаллоҳу алайҳи васаллам бизни чақириб қолдилар. Келиб қарасак, олдиларида бир аъробий ўтирибди. Расулуллоҳ соллаллоҳу алайҳи васаллам: «Манави мен ухлаётганимда қиличимни қинидан суғуриб олибди. Уйғонсам, (қилич) бунинг қўлида яланғоч экан. У менга: «Сени мендан ким асрай олади?» деди. Мен: «Аллоҳ!» дедим. Ана у, ўтирибди», дедилар. Сўнг Расулуллоҳ соллаллоҳу алайҳи васаллам уни жазоламадилар».



HADIS.ISLOM.UZ  
NUBUVVAT MARVARIDLARI